

Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Exercitium præparatorium ad communionem sacramentalem seu
spiritualem, & etiam ad celebrationem Missæ, in septem effusiones
sanguinis Christi, quibus contra septem peccata mortalia, septem virtutes

...

[urn:nbn:de:hbz:466:1-45928](#)

su, hæc tibi in hoc vulnere nunc offero. Offer tu eadem Patri tuo pro peccatis meis & pro peccatis totius mundi viuorum scilicet & defunctorum in vnione huius charitatis, qua hæc sunt suistis, Amen.

Deinde in secundo vulnere sinistri pedit, offer Christo omnes eius iniurias, persequitiones, opprobria, derisiones & contemptum, quæ omnia humillime pro te tolerauit, modo quo paulò ante de primo vulnere monstrari, dicens.

Adoro te misericordissime Deus, tibi q[uod] gratias ago pro cunctis iniurijs, persequitionibus, opprobrijs, derisionibus & contemptu: quæ omnia propter me tolerasti. Eia, vi supra, &c.

Tertio, in vulnere dextra manus offer Christo omnes dolores, penas, cruciatus, vulnera & liuores, vt supra monstratum est. Dic igitur: Adoro te misericordissime, &c. pro cunctis doloribus, penis, cruciatus, vulneribus & liuoribus tuis mei amore à te toleratis. Eia cle, &c. vt supra.

Quarto, in vulnere sinistra manus offer Christo omnes singulasq[ue] pretiosissimis sanguinis suæ guttas, & roga eadem Patri suo pro te & vnuero mundo, hoc est, pro peccatis viuorum & mortuorum dignetur offerre in vnione eiusdem charitatis, quæ serpsum in cruce Deo Patri obtulit pro nobis, dicens. Adoro te &c.

Quinto, in vulnere lateris, seu cordis offer Christo omnes gemitus, suffiria, tristitia presuræ, cordis fletus quoq[ue], & lachrymas & amarissimam mortem, & roga eadem per eundem offerri Patri cœlesti in satisfactionem pro tuis & pro totius mundi peccatis, dicens. Adoro te &c.

In hoc exercitio obserua, vt pro singulis Christi donis ac beneficijs quæ vis eidem offerre, in quinque his vulneribus (quo modo supradictum est) primum adores eundem Deum, gratiasq[ue] illi humillime agas.

Tertio, in corde Christi gratias illi age pro ipsius charitate, spiritu & mente, dicens hoc modo: Adoro te misericordissime Iesu & benedicens gratias ago tibi in hoc vulnere tuo, pro cunctis beneficijs tuis, quæ vel mihi, vel vili homini aut creaturæ tuae exhibuisti, & pro ingenti charitate, qua pro nobis patiens, beneficia nihilo minus ac munera tua nobis dedisti, quæ omnia tibi in laudem & gloriam tuam pro peccatis meis ac totius mundi tibi offero, & vt tu eadem Patri tuo pro omnibus nobis offeras supplex rogo, Amen.

Si es celebratus, vel sacramentaliter, vel spiritualiter communicatus.

INeodem vulnere cordis tui dulcissime Iesu cupio ad mensam tuam accedere, & in honorem, in memoriam tuæ charitatis, hoc est, in memoriam tuæ sanctissimæ incarnationis, nativitatis, virtutis, passionis, vulnerum, sanguinis, dolorum ac mortis tuæ, opto sacrificium illud (quo te ipsum nobis dedisti) atque in illius vniione meipsum tibi offerre in holocaustum, in gloriam & beneplacitum tuum, offerans te per infinitam bonitatem tuam, indue me vestibus innocentiae, virtutum meritorumq[ue] sanctissimæ virtutum tuæ, vt in vniione eiusdem devotionis, charitatis, puritatis ac reverentiae, qua tu hoc Sacramentum instituisti, sumpisti, nobis dedisti, & à nobis frequentari illud in tui memoriam voluisti, accedam, & ardentissimis charitatis desiderijs illud gratia tua dignum me faciente, suscipiam, Amen.

Exercitium preparatorium ad communionem sacramentalem seu spiritualiem, & etiam ad celebrationem missæ, si septem effusiones sanguinis Christi, quibus contra septem peccata mortalia septem virtutes ac beatitudines applicantur, distingui.

Prima



Prima effusio sanguinis Christi fuit in circuncisione. Cui applicatur contra primum peccatum mortale, puta contra luxuriam, castitatis virtus & beatitudo, iuxta hie seruatum ordinem primam, scilicet munditia cordis.

Oratio seu effusio cordis prima.

IEsu benignissime Deus meus tibi confiteor, tecum laudo, qui propter nos omnem misericordiam nostrae naturae absque peccato suscipientis, homo factus, mox ubi mundum ingressus es, diuinam legi voluisti te subiungere, circuncidimus & sanguinem pro nobis fundere. Pro hac charitate & bonitate tua, pro infantilis quoque sanguinis effusione te adoro, te benedico, tibi gratias ago, & per eandem sanguinis tui effusionem te obsecro, ut omnem luxuriam speciem de corde meo, & de carne mea penitus auferas, eius concupiscentiam in me carnalem radicem mortifices & extinguas, ut in puritate & in castissima simplicitate mentis, ut in vera munditia cordis, ut denique in pudicissima corporis castitate tibi perpetuo inauertibiliter adhaerem.

Ah misericordissime IESU, utinam in hac effusione sanguinis tui merear ab omnibus peccatis, vitijs & negligentijs meis nunc expiari, quo ex tua misericordia & gratia perceptione sacrosancti corporis & sanguinis tui dignus efficiar.

Secunda effusio sanguinis CHRISTI fuit in monte Oliveti. Cui applicari potest contra superbiem, secundum scilicet peccatum mortale, humilitatis virtus petenda, & luctus yna ex beatitudinibus.

Effusio cordis secunda.

IEsu benignissime Deus meus. Adoro, laudo, benedico te, & gratias tibi ago pro angustia pressuram cordis tui, quam in monte Oliveti inter orandum pertulisti, praemeditans acerbissimas horrendasque passionis ac mortis tuae penas & cruciatum tunc tibi imminentes, quos iuxta naturam sensualitatemque exhorruisti, rursusque secundum rationem tanto easdem nos redimendi desiderio concupisti, ut contraria his desideriis simul compugnantibus, tecum in agone interea constituto, sudor ex te decurreret sanguineus. In hac quæso Christe Iesu angustia tua, per hanc quoque effusionem sanguinei sudoris tui ex te abunde promanantem, obsecro te, ut omnem superbiam omnesque superbias species in me conteras, extermines ac dereas. Infunde mihi quæso profundissimam perfectissimamque humilitatem, qua peccata mea ingratisudinemque meam perfectè cognoscam, odiam, indefiniter lugeam, meipsum quoque contemnam, atque ab omnibus contemni diligam. Ah misericordissime Iesu, utinam in hac effusione sanguinis tui, &c. ut supra.

Tertia effusio sanguinis CHRISTI facta est in eius flagellatione, cui contra tertium mortale peccatum, puta contra iram, applicatur mansuetudo seu benignitas, tertiamque iuxta hunc ordinem beatitudo qua vocatur, mittit as.

Effusio cordis tertia.

IEsu benignissime Deus meus, pro dira flagellatione tenerrimi nobilissimique corporis tui vndeque vulnerati, & pro effusione preciosissimi sanguinis tui, adoro & benedico te, gratiasque tibi ago. Compescet & extingue in me omnes iracundiae impatiencyque motus. Nullum sinas pie Iesu, in cor meum intrare aut morari ibi ranorem, amaritudinem seu displicentiam. Infunde mihi quæso perfectissimam mitigationem ac mansuetudinem cordis, qua cuncta aduersa & quanamlibet susticipiam, patien-

PHARATRAE DIVINI AMORIS

patientissime, ac cum gratiarum actione tolerem, ac me totum tibi resignem, plenē
ac funditus relinquam. Ah misericordissime Iesu, &c. vt supra.

Quarta effusio sanguinis Christi facta est in eius coronatione. Cui contra quartum
mortale peccatum, ac diadem scilicet, applicatur deuotio feruens, & beatitudo, quarta esurice
iustitiae.

Effusio cordis quarta.

Iesu benignissime, Deus meus, pro acerbissima coronatione spinarum, caput tuū
compungentium, pro largissimā effusione riuulorum sanguinis tui per genas,
oculos, & collum tuum defluentium, adoro, laudo & benedico te, gratiasq; tibi
ago, suppliciter te rogans, vt omnem acediam, torporem, pigritiam, negligientiamq;
a me radicibus tollas: deuotionem verò feruentissimam alacritatemq; spiritus in
tuo maximē seruitio mihi infundas, vt iustitiam, virtutem, animarum salutem,
tui quoq; amorem, honorem ac gloriam tuam, cor meum vehementer esuriat, ardē-
tissimeq; sitiat, adeò ut quæ extra te sunt cuncta fastidiam. Tu verò solus torus per-
fectissimè ac perpetuè mihi placeas in omnibus & super omnia. Ah misericordissi-
me Iesu &c.

Quinta sanguinis Christi effusio facta est in exultatione vestrum ante crucem, ybi illi vestis
lancea, quæ compacta vulneribus heserat, extracta est, tam vulnera, quam dolores renouans.
Cui contra quintum mortale peccatum auraritiam scilicet, applicatur paupertatis amor, mū-
dig; contemptus, beatitudoq; quinta, paupertas spiritus.

Effusio cordis quinta.

Iesu benignissime, Deus meus, pro vestium tuarum extractione, pro corporis tui
denudatione in oculis hostium tuorum, pro tui derisione, pro vulnerum dolo-
rumq; renouatione, pro sanguinis nobilissimi effusione & conculcatione, adoro,
laudo & benedico te, ac gratias tibi ago, te obsecrans per misericordiam tuam, vt
mundi amore, & omni amore creaturarum, priuatoq; aut abs te alieno me exuas,
prosulsq; liberum facias, quo paupertatem, contemptum & simplicitatem ex ani-
mo diligam, desiderantissime feram, & cœlestia bona, te verò super omnia æstuan-
tissimè desiderijs concupiscam. Ah misericordissime Iesu &c.

Sexta Christi sanguinis effusio est, quæ in perforatione manuum ac pedum, membrorumq;
Christi extensione & crucipendia exundans, crucem terramq; rigavit. Huius contra sex-
tum peccatum mortale, pax contragulam, applicatur temperantia, & sexta beatitudo,
pax, seu pacificatio. Tunc enim suam charitatem ad nos, ad latronem, ad tortores, ad matrem,
ad omnesq; exhibuit, & in cruce inter eculum terramq; suspensus, sepe pacis arbitrum ac me-
diatorem inter Deum & hominem constituit.

Effusio cordis sexta.

Iesu benignissime Deus meus pro extensione membrorum tuorum omnium in
cruce, pro perfosione, crucifixioneq; manuum tuarum ac pedum, pro largissi-
ma effusione tui sanguinis decurrentis e vulneribus tuis, per diutinam crucipé-
dientiam ampliatis, quo crucem rigabas & terram, adoro, laudo, benedico te, &
gratias tibi ago, obsecroq; vt me ab omni intemperantia & indiscretione sobrium
& continentem facias piissime Deus. Cor pacificum, mitissimum ac benignissimum
mihi præbeas, quod pacem diligat, paci studeat, foueat concordiam, scismata & scâ-
dala tollat, & ad uniuersam amoris illam felicissimam, qua tecum vnum efficimur,
qua



qua vnde amor, vnaq; nobis tecum est voluntas, indefinenter aspiret. Ah misericordissime Iesu, &c.

Septima effusio sanguinis Christi est ex apertione lateris eius mortui, vnde exiit sanguis & aqua. Creditur autem (ut in revelationibus sancte Brigitte beatae Dei genitrix Maria affravit) Domini Iesu cor piissimum tunc vulneratum lancea militis, quo ad se nobis intrandi Christus ficeret, aperiret q; amoris ostium, vulnerum misericordia, gurgitem charitatis. Huic effusione sanguinis contra septimum peccatum mortale, inuidiam scilicet, applicatur charitas, atq; septima beatitudo, misericordia.

Effusio cordis septima.

Iesu benignissime, Deus meus, pro apertione lateris ac cordis tui mucrone lancea vulnerati, pro effusione sanguinis & aquæ inde emanantis adoro, laudo & benedico te, gratiasq; tibi ago: Quandoquidem cor tuum tam mihi quam alijs peccatoribus ad te redeuntibus reserasti. Per huius misericordissimi cordis tui pietatem te obsecro, ut de corde meo auferas omnem liuorem, amarulentiam atq; inuidiam. Piissime Deus, aufer à me cor durum & prauum, cor superbum ac liuidum, & da mihi aut cor tuum, aut cor secundum cor tuum piissimum, fidelissimum, mitissimum, misericordissimum, humillimum, obedientissimum, omnifaria mortificatione ac resignatione perfectum, fide, spe & charitate perpetua plenum, quod in te indefinenter teneas absorptum, & ad omnes homines, præsertim ad inimicos, dilectione & miseratione reddas effusum.

Potest his septem effusionibus sanguinis Christi addi veneratio sanctissima mortis Iesu Christi, hoc est, separationis anime à corpore, qua fuit omnium acerbissima. Solus enim ipse, qui pro omnibus gustauit mortem, cognoscere potuit mortis amaritudinem. Cognito enim, apprehensio & sensus in Christo moriente, in ultimum vsq; momentum permanens eque ac in viuente (alter enim contingit nobis) viguit. Huic contrapropositum amorem Dei Iesu potest applicari, & beatitudo octaua, qua est patientia propter Christum.

Effusio cordis alia.

Iesu misericordissime, vita & spes mea Deus. Ecce nunc tibi offero omnem laborem & fatigationem tuam, omnem penuriam, contemptum, aduersitates & incommoda tua, omnes penas, dolores, vulnera, liuores tuos, omnes pressuras, tristitias & angustias tuas. Ad extremum, crucem tuam & mortem acerbissimam, hoc est, dolorosissimam benedictæ animæ & corporis tui separationem. Pro quibus omnibus te laudans & gratias tibi agens, te Deum meum adoro. Offero autem hæc omnia qua pro me sustinuisti, & ipsam immensam charitatem tuam, qua ad patiemdam te pro nobis induxit tibi nunc Christe Iesu pro peccatis meis, & pro peccatis totius mundi, tam viuorum quam mortuorum. Obsecro autem te per omniaq; innocens pro me passus es, da mihi insatiablem iugemq; patientiam, qua omnia que tu super me venire permittis, cui amere patientissime tolerem, & in laudem, gloriam & beneplacitum tuum me totum quod sum ac possum, omnes scilicet vires & motus corporis mei expendam. Amen.

Exercitium aliud sacrificantium, figuris sacræ scripturæ quadrans, quod ante aut etiam post sacrificium, & sub sacrificio Missæ (ubi vacat tempus) est mente ruminandum.

